

Թւին, ԵաՏ. Ա. բբասի ձեռքով:

Գիւղի կրճքից բլխում է մի աղբիւր. դա հարուստ է սառնորակ ջրով, որ թափւում է իր առաջ գտնուող մեծ աւազանը և ապա այդտեղից վազելով դէպի արտերը՝ ոռոգում է:

Հողատիրութեան տեսակը կալւածատիրական է. պատկանում է Ա. բբաս Լուսէյն-Ղուլի խանին. գիւղացիները հողագուրկ են. նրանք մշակում են աղայի հողերը և բերքի  $\frac{1}{3}$  մասը տալիս են նրան, իսկ պետական հարկ վճարում են 25 թուման:

Գիւղն ունի մի մատուռ՝ Ս. Աստուածածին. դպրոց չունի: Այս տարւայ հունձքի նւազութեան պատճառով գիւղացիութիւնն ենթարկեց սովի, որին զոհ գնացին վեց հոգի:

№	Կ Ա Ր Գ Ե Ր	Շունչ
1	Աղբատ . . . . .	20
2	Չունկոր . . . . .	20
3	Միջակ . . . . .	28
4	Ունկոր . . . . .	7
5	Հարուստ . . . . .	—
	Ընդամենը	75

### Ա. Ձ Ն Ա. Ի Ո Ի Լ

Բոլորանից դէպի արևելք, քառորդ Ֆարսախ հեռու, սարերի փէշին, մի ընդարձակ գաշտի վրայ փռւած է Ազնաւուլը. դա մի գեղեցիկ գիւղ է, ուռենիների և բարգիների տնկարաններով պծնազարգւած: Գիւղի հիմք զցոյնները գաղթել են Քեարւանդ և Աղկէօլ գիւղերից՝ 150 տարի առաջ. նրանք պարապում են գլխաւորապէս երկրագործութեամբ: Այժմ գիւղն ունի 30 տուն՝ 278 շնչով, որից 135-ը արական է և 143-ը իգական:

Գիւղի հիւսիս-արևելեան կողմից բլխում է մի քահրիզ, որ շնորհիւ իր հարուստ ջրի կազմում է մի փոքրիկ առու, որը ոլորապտոյտ հոսելով ջրում է իր ավերի մօտ ընկած ուռենիների և կաղամախիների տնկարանները և ապա այդտեղից վազում է մի գեղեցիկ ձոր, որի երկարութեամբ ար-